



Broj: 02-05-1737/18  
Lukavac, 20.07.2018.godine

Na osnovu člana 64. stav (1). tačka b), člana 25., člana 70. stavovi (1), (3) i (6) Zakona o javnim nabavkama („Sl. glasnik BiH“, broj: 39/14), člana 8. stav (2) tačka (d) Pravilnika o uspostavljanju i radu Komisije za nabavke („Službeni glasnik BiH“, broj 103/14) i člana 6. tačka (10) Pravilnika o uspostavljanju i radu Komisije za javne nabavke broj: 02-02-2-386/15 od 13.03.2015. godine, na Preporuku Komisije za provođenje postupka javne nabavke broj: 02-05-1737/18 od 20.07.2018.godine u postupku nabavke radova na modernizaciji i proširenju javne rasvjete u MZ Panjik i Milino Selo, Općinski načelnik d o n o s i

**O D L U K U**  
**o izboru najpovoljnijeg ponuđača za nabavku radova na modernizaciji i proširenju javne rasvjete u MZ Panjik i Milino Selo**

**Član 1.**

Prihvata se preporuka Komisije za provođenje postupka javne nabavke broj: 02-05-1737/18 od 20.07.2018.godine i Ugovor za javnu nabavku radova na modernizaciji i proširenju javne rasvjete u MZ Panjik i Milino Selo dodjeljuje ponuđaču ELVIK doo Srebrenik, a prema ponudi broj: 160/18 od 16.07.2018.godine, dostavljenoj dana 17.07.2018.godine i konačnoj rang listi nakon završene e-aukcije, za ponudenu cijenu u vrijednosti od 11.076,66 KM bez PDV-a, kao najpovoljnijem ponuđaču.

**Član 2.**

Izabrani ponuđač je dužan da u roku od 7 (sedam) dana od dana dostavljanja ove Odluke dostavi originale ili ovjerene kopije dokumentacije iz člana 45. stav (2) tačka od a) do d) Zakona o javnim nabavkama BiH, navedene u tački 12.1. Tenderske dokumentacije, broj: 02-05-1737/18, iz člana 47. Zakona o javnim nabavkama BiH, navedene u tački 13.2.4. Tenderske dokumentacije, broj: 02-05-1737/18 i iz člana 51. Zakona o javnim nabavkama BiH, navedene u tački 13.3.4. Tenderske dokumentacije, broj: 02-05-1737/18. Ukoliko izabrani ponuđač ne dostavi traženu dokumentaciju u određenom roku, ili je ne dostavi na propisan i nepotpun način, ugovor za javnu nabavku dodijeliće se drugorangiranom ponuđaču u skladu sa članom 72. stav (3) Zakona o javnim nabavkama.

**Član 3.**

Ova odluka objavit će se na intrenet stranici ugovornog organa ([www.lukavac.ba](http://www.lukavac.ba)) istovremeno s upućivanjem ponuđačima koji su učestvovali u postupku javne nabavke, u skladu sa članom 70.stav 6. Zakona o javnim nabavkama.

**Član 4.**

Ova odluka stupa na snagu danom donošenja i dostavlja se svim ponuđačima koji su učestvovali u postupku javne nabavke, u skladu sa članom 71. stav (2) Zakona o javnim nabavkama.

**O b r a z l o ž e n j e**

Postupak javne nabavke pokrenut je Odlukom o pokretanju postupka javne nabavke broj: 02-02-1-1736/18 od 19.06.2018.godine. Javna nabavka sprovedena je otvorenim postupkom nabavke. Procjenjena vrijednost javne nabavke bez PDV-a je 7.607,00 KM.

Obavještenje o nabavci broj: 719-1-3-50-3-55/18 objavljeno je na Portalu javnih nabavki dana 26.06.2018.godine.

Komisija za provođenje postupka nabavke imenovana Rješenjem broj: 02-05-1881/18 od 03.07.2018.godine dostavila je ugovornom organu-općinskom načelniku Zapisnik o pregledu i ocjeni ponuda broj: 02-05-1737/18 od 17.07.2018.godine, Zapisnik o pregledu i ocjeni ponuda nakon održane e-aukcije broj: 02-05-



1737/18 od 19.07.2018.godine, Preporuku o izboru najpovoljnijeg ponuđača broj: 02-05-1737/18 od 20.07.2018.godine i Izvještaj o radu broj: 02-05-1737/18 od 20.07.2018.godine.

U postupku po Izvještaju o radu je utvrđeno da je Komisija za provođenje postupka nabavke blagovremeno i pravilno izvršila otvaranje, pregled i ocjenu pristiglih ponuda, o čemu je sačinila odgovarajuće zapisnike, u kojima je utvrđeno sljedeće:

- da su u predmetnom postupku primljene dvije ponude;
- da su blagovremeno primljene dvije ponude;
- da nije bilo neblagovremeno primljenih ponuda;
- da su ponude ponuđača ELVIK doo Srebrenik i ERING doo Živinice kvalifikovane i prihvatljive, naime dostavljeni su svi traženi dokazi propisani tenderskom dokumentacijom, na propisan način;

U postupku donošenja ove Odluke, posebno su cijenjene činjenice da je Komisija, pravilno i potpuno izvršila ocjenu kvalifikovanosti ponuđača te pregled i ocjenu ponuda, u skladu sa kriterijima iz Tenderske dokumentacije.

U postupku ocjene provedenog postupka, nisu nađene nepravilnosti niti propusti u radu, koji bi eventualno bili osnov za neprihvatanje Preporuke Komisije za provođenje postupka javne nabavke.

Naime, u postupku je ocijenjeno da je Komisija u svemu pravilno postupila te da je izbor najpovoljnijeg ponuđača izvršen u skladu sa Zakonom o javnim nabavkama, podzakonskim aktima i Tenderskom dokumentacijom. Uvidom u priloženu dokumentaciju utvrđeno je da procijenjena vrijednost nabavke bez uključenog PDV-a iznosi 7.607,00 KM i da je kriterij za dodjelu ugovora najniža cijena.

Nakon održane e-aukcije je utvrđeno da je ponuđač ELVIK doo Srebrenik ponudio najnižu cijenu u vrijednosti od 11.076,66 KM bez PDV-a.

Nakon izvršenog otvaranja ponuda, Komisija je utvrdila da ponuđene cijene premašuju procijenjenu vrijednost nabavke. S tim u vezi, Komisija se dana 19.07.2018.godine obratila Općinskom načelniku zahtjevom, broj: 02-05-1737/18, kojim traži saglasnost za povećanje procijenjene vrijednosti nabavke. Dana 20.07.2018.godine, Služba za urbanizam, prostorno planiranje i investicije je dala saglasnost za povećanje procijenjene vrijednosti nabavke, budući da je iznos neophodan za okončanje postupka predmetne nabavke obezbijeđen Budžetom općine Lukavac za 2018. Godinu („Službeni glasnik općine Lukavac“, broj: 4/18), razdio 11, potrošačka jedinica 117, ekonomski kod 821221 – 1.1. Projektovanje, proširenje i modernizacija ulične rasvjete.

Iz navedenih razloga, primjenom člana 64. stav (1) tačka b) Zakona o javnim nabavkama, člana 25., člana 70. stavovi (1), (3) i (6) Zakona o javnim nabavkama („Sl. glasnik BiH“, broj: 39/14), člana 8. stav (2) tačka (d) Pravilnika o uspostavljanju i radu Komisije za nabavke („Službeni glasnik BiH“, broj 103/14) i člana 6. tačka (10) Pravilnika o uspostavljanju i radu Komisije za javne nabavke broj: 02-02-2-386/15 od 13.03.2015. godine riješeno je kao u članu 1. ove Odluke.

#### **Pouka o pravnom lijeku:**

Protiv ove Odluke može se izjaviti žalba, najkasnije u roku od 10 (deset) dana od dana prijema ove Odluke. Žalba se putem ugovornog organa izjavljuje Uredu za razmatranje žalbi Bosne i Hercegovine-Filijala Mostar, u pisanoj formi direktno ili preporučeno poštanskom pošiljkom na adresu Općina Lukavac, Trg Slobode 1, 75300 Lukavac. Žalba se podnosi u najmanje tri primjerka.

OBRADIVAČ: M.B.

Dostaviti:

1. ERING doo;
2. ELVIK doo;
3. Evidenciji;
4. Arhivi.



OPĆINSKI NAČELNIK  
Dr. Sci. Edin Delić